

# ЗЕМЛЯК ДЕНЕ ВАШЛИЙЫН

Йошкар-Олашке тарванымем деч ончыч пеленем ала гына куктен дукмо ойлымаш ден почеламутем-влакым налым. "Ончыко" журналын редакцияштыже мыйым чаплын вашлийыч. Возымем налын кодышт.

Кечывал деч ончыч книга издательствышке пурен лекташ шонен пыштышым. Институтысо йолташем тушто А. Николаев тун редакторлан ыштен, В. Косоротов — сылнымут литературынын редакторжылан. Кечывал жапыште лачак картым лочкат ыле. Тумо устембалет чытырнен гына шинча. Устембал йыр ончышо-шамыч чумырген шогалыныт. Нунын коклаште С. Николаев ден И. Казанцеват (Ялмари Йыван) ыльыч. Устел коклаш М. Калашников ден В. Косоротовым пуртен шындышт. Мыланемат черет толын шуо. Пеленем И. Казанцев ден С. Николаев верланышт.

— Унала пурышо тек "колым" модын налеш, — шыргыжале Сергей Николаев да шке вержым мыланем пуыш.

Казанцев дене шуко шинчышна, "колетымат" модын нална. Модын пытарыме деч вара Сергей Николаев мый дечем йодо:

— Тыйже кон улат, тушто Бекешевмыт шукин улыт вет?

— Кыргыз Пикайын улам, — маным мый.

— Тудым пеш сайын палем. Пеш кугу йолташ лийынна. Купсолаште вашлийынна, тыйын аватын, Поклан, ялыштыже. Овдасола ден Шале ял каче-шамыч тиде ялыште кастане пеш чучкыдын погынена ыле. Тыйын ачат ден коктын ик мотор удырым ойырен нална — Поклам. Но ачат ончычрак руалтен шуктыш.

Икмыняр ий ончыч ме олаште вашлийна. Лач тудо ийын тый шочынат. Тунам мый Марий педтехникумышто туныктенем, а ачат марий совпартшколын пытартыш курсыштыжо тунемын. Вараракше Пикай дене шуко гана вашлияш логалын. Тулеч вара сай йолташ лийна.

— Теве ынде тиде устелтор коклаште меат сай йолташ лийна, — мый тудлан пелештышым.

— Туге шол, пурымаш деч никуш от улто. Англичан-влак ты шотышто тыгерак ойлат: "птицы с одинаковым оперением встречаются вместе". Теве тачат тыгак лие. Поклаже вара кызыт кузерак ила? Ачатше Сталинград воктене колен



манын колынам ыле.

— Эркын-эркын шкетынак тошкыштеш. Меже кумытынат районысо школышто туныктена.

— Таче монгет каат гын, Фекла Петровналан мый дечем кугу саламым каласе.

— Тау, Сергей Николаевич, — мемнан велыш мийымыда годым пурыза, уна лийыда.

— Пагален ужетлан пеш тау.

Мемнан мулланымашкына И. Казанцев ушныш. Тудо мыйым шкенжын директор кабинетышкыже ужо.

— Геннадий Михайлович, тыйын нерген мый денем пашам пырля ыштыше йолташем Аркадий Николаевич поро шомакым ойлыш. Тыланет йоча литература редакторын пашажым темлем.

Темлыме сомыл землякем да ачат мый йолташыж дене чучкыдырак вашлияш полшыш.

Но Сергей Николаевич мемнан деке ыш пуро. Толын гынат, МАССР Верховный Советын депутатше семын гына. Мемнан воктечак эртен каен, шке избирательже-влак дене вашлиймашке вашкен. Серышым вашла эрек возгаленна. Теве пытартыш серышыже тыгайрак ыле: "Серышетым налынам, тау. "Тыйын" тоштеретлан пеш шуко фотокартычкым, книга, турло увертарымаш-влакым поген ямдыленам. Вашке колтем. Шкежат толмет годым пуро, ала эше иктажым муына. Поро пашаштет сенгымашке шуаш

тыланем. Утыч вашлиймешке!"

Тоштерым 1994 ийыште почмо. С. Николаев тугак "мыйын" тоштерем ужде лие — 1995 ийыште колен.

**БЕКЕШ Пикай Генюк.**

**СНИМКЫШТЕ:** "Салика" комедийын авторжо С.Н. Николаев (покшелне Саликан рольжым модшо Г. Андреева дене мутлана) Морко калык театрын артистше-влак коклаште. Пурла гыч кокымшыжо Маргосфилармонийын ончычсо директоржо И.И. Виногоров, воктеныже (пурла гыч кумшо) Морко калык театрын режиссержо, Марий Эл культурын заслуженный пашаенже А.В. Якушева.

Землякна режиссер А.В. Якушева денат, калык театрын артистше-влак денат чучкыдын вашлийын, серышышат вашла возгален шогеныт. Анна Васильевналан колтымо ик серышыштыже воза:

— "Маргостеатрын сценыштыже "Саликамым" шындымыдам эрек куанен шарнем. Йолташем-шамычат тендам моктат. Тыгай вашлиймаш столицынан театрыштыже лиеш манын, ушанен вучем.

Пеш кугу салам дене Сергей Николаев!

1981 ий".

**В. ПЕТРОВЫН**  
фоторепродукцийже.